



Bou ons kinders vir môre

Godsdiensonderrig 1

Lestitel: Geloof - Maria en die engel

'n Ouerhandleiding

Sondagskooltuisonderrig



Liewe Ouer

Welkom by die les: **“Geloof - Maria en die engel”**

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Geloof - Maria en die engel
Bybelwoord	Lukas 1: 5 - 38 en 1 Petrus 2: 9
Lesdoelwit	Die kinders leer dat God geloof verwag van diegene aan wie Hy beloftes maak. Ons geloof moet rotsvas wees.

Lesopsomming:

- Maria het in die stad Nasaret gewoon en was verloof aan Josef.
- 'n Engel met die naam Gabriël het aan haar verskyn en gesê: "Wees gegroet, begenadigde! Die Here is met jou; geseënd is jy onder die vroue! Moenie vrees nie, Maria, want jy het genade by God gevind. En kyk, jy sal swanger word en 'n Seun baar en jy moet Hom Jesus noem. Die Heilige Gees sal oor jou kom, en die krag van die Allerhoogste sal jou oorskadu. Daarom sal ook die Heilige wat gebore word, die Seun van God genoem word."
- Alhoewel Maria bang was, het sy die engel geglo en gesê; "Laat dit met my gaan volgens u woord".
- 'n Paar maande tevore het iets soortgelyks met 'n priester met die naam Sagaria gebeur.
- Zacharias en sy vrou, Elizabeth, was oud en was baie lank getroud, maar het geen kinders gehad nie.
- Eendag, terwyl Sagaria in die tempel was, verskyn die engel Gabriël aan hom en sê: "Moenie vrees nie, Sagaria, want jou gebed is verhoor; en jou vrou Elizabeth sal vir jou 'n seun baar."
- Anders as Maria, het Sagaria die engel nie geglo nie, want dit was teen die menslike natuur om 'n kind op so 'n hoë ouderdom te hê.
- Die engel het vir Sagaria gesê: "Totdat die kind gebore word, sal jy stom wees omdat jy my woorde nie geglo het nie."
- Soos die engel gesê het, het Elizabeth 'n seun in die wêreld gebring, en soos dit gebruikelik was, het familieleden en vriende aanvaar dat hy Sagaria genoem sou word, soos sy vader, toe hy besny is.
- Elizabeth het egter gesê dat hy die naam van Johannes sou hê, volgens die opdrag van die engel.



- Zacharias is hieroor gevra, en hy het dus op 'n bord geskryf: “Sy naam is Johannes.” Lukas 1: 63
- Vanaf daardie oomblik kon Sagaria weer praat en het God geprys.
- God het vir Maria en Sagaria gekies as instrumente vir 'n spesiale taak om sy wil te vervul. Onthou, ander wat ook deur God uitverkies is om sy wil te vervul, was:
 - ☐ Noag om die ark te bou,
 - ☐ Moses om die volk van Israel na die land Kanaän te lei en
 - ☐ Die profete moes sekere boodskappe van God bring.
- Lees 1 Petrus 2: 9. Ons word ook uitverkies vir spesiale take. God verwag van ons om:
 - ☐ mense van Jesus en sy werk te vertel en
 - ☐ as kinders van God in ons daaglikse lewe op te tree, omdat ons tot sy koninklike priesterdom (gelowiges) geroep is.
- Ons het ook 'n belofte verkry wat menslike verstand te bowe gaan. Die belofte dat Jesus sal terugkeer om ons na Hom te kom neem. Dit sal vervul word.

Wat beteken hierdie les vandag vir ons?

- Die engel het vir Maria en Sagaria belangrike gebeure voorspel rakende God se verlossingsplan vir ons.
 - Die belofte van die engel is vervul, al was dit in stryd met die ervaring van die mens, en dit was nodig om in die belofte wat gegee is te glo.
 - Ons glo van harte dat God ons uitverkies het en dat Jesus beloof het om terug te kom om ons te kom haal.
 - Ons wil saamgeneem word op die dag wanneer Christus terugkom en sien daarna uit.
 - Ons is dankbaar dat God ons by sy verlossingsplan ingesluit het.
- Glo en vertrou altyd in God se beloftes. Selfs met net 'n bietjie geloof in God kan jy groot dinge doen, glo net!**

Doen Oefening 1 en 2 saam met u kind / kinders.



Sommige vrae wat ons kan vra:

1. Hoe het Maria gereageer toe die engel haar die nuus gegee het?

Antwoord: Sy was bang, maar sy het dit geglo.

2. Hoe het Sagaria gereageer toe die engel hom die goeie nuus gegee het?

Antwoord: Hy was ook bang, maar alhoewel sy gebede verhoor is, het hy die engel nie geglo nie.

3. Wat is die spesiale take wat God van ons verwag om te doen?

Antwoord: Ons moet mense van God se werk vertel en as kinders van God in ons daaglikse lewe optree, want ons is deel van God se familie.

4. Watter belofte is aan ons gemaak?

Antwoord: Dat Jesus weer sal kom om ons na Hom te neem

5. Wat moet ons doen om te bewys dat ons ons uitverkiesing en die belofte wat ons verkry het, waardig is?

Antwoord: Ons moet volkome glo dat God ons uitverkies het en dat Jesus sal terugkeer. Ons wil saamgeneem word op die dag wanneer Christus terugkeer en sien daarna uit. Ons is dankbaar dat God ons by sy verlossingsplan ingesluit het.

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen